


महात्मा पं० कृष्ण जू राजदान सुँज करमुँच


दीवी त्वता



ज़ाला भगवती ख़िव, कश्मीर

महात्मा पं० कृष्ण जू राजदान सुंज करमुंच

दीवी त्वता



संपादक :

श्याम लाल राजदान

Sent



जम्मू-कश्मीर विचार मंच

18, श्याम एन्कलेव, विकास मार्ग,

दिल्ली - 110 092

दूरभाष 22373413

G. L. BHAT
Advocate

महात्मा कृष्ण जू राजदान

महात्मा पं० कृष्ण जू राजदान ऑस्य भोंदुर जूनुं पंछ चोरुंम
द्वहुं (12 भादून 1907 वि० तदानुसार 19 अगस्त 1850
इ०) वनपूहुं जामुंत्तम। अथ गामस ओस खिरमन गणेश रैना ति
नाव तिक्याजि यि ओस तिहिंदिस पिता श्री गणेश राजदान
सुंद जोगीर। ल्वकचारसुंय आस कृष्ण दीवी टोठेमुंच। यि वुछित
ओस तिहिंदि परनुलेखनुक खासम खास इतिजाम करनुं आमुत।
चुनांचि ओस तिमन कोशिरि अलावुं संस्कृत, फारसी, हिन्दी तुं
उर्दु ज़बोजन प्यठ ति अभूर। तिमन ओस ज्योतिष्य शास्त्रुंच तुं
सितारन सयारन मुतलिक ति जान वाकफी। वीदन, उपनिषदन
तुं पुराणन हुंज कथ हृदस ताम ओस तिमन जान अम्युक अन्दाजुं
हेकिव तोह्य तिहिंद्य भजन तुं लीलायुं पानुं पेरिथ लगोविथ।
जम्मू कश्मीर कल्युरल अकडमी तरफुं छपावनुं आमचि 'कुलयात्
कृष्ण जू राजदान' नावुं चि किताबि मंज छु तिहुंद बेशतर कलामुं
दर्ज। फारसी लिपि न जानन वाल्यन हुंदि बापत आयि तिहिंद्य
बेशतर काशिर्य भजन तुं लीलायु नागरी लिपि मंज त्रन हिसन
मंज छपावनुं। यिमन किताबन छु नाव 'कृष्णु दर्शुन' 'शिव लगुंन'
तुं 'कृष्णु वाणी'। तिहिंदि जेनुंक्य 150 वरिय पूरुं सपदुंनस प्यठ
आव 10 सितम्बर 1999 इंडिया हैबिटैट सेंटरस मंज तिहिंदिस
'शिव लगुंनस' प्यद भरत नाट्यम डान्स ति पेश करनुं। अमि
ब्रोंह ओस यिहुंद केंह कलामुं एशियाटिक सोसायटी तरफुं 'शिव
परिणय' नावचि किताबि मंज संस्कृत तर्जमुं सौन छपावनुं आमुत।
हरीहर कल्यान नावचि किताबि मंज ति ओस तिहिंदि कलामुक
केंह हिसुं छपावनुं आमुत। राजदान सोब सपुंद्य म्वंजहोर जूनुपेछ
ओठुंम (27 मघर 1983 वि० तदानुसार 12 दिसम्बर
1926) ई०) अन्तर्धान। सु ति वनपुहै।



महात्मा पंडित कृष्णजू राजदान
(१८५०-१९२६ ई०)



परनुँ खातरुँ इशारुँ

देवनागरी लिपि हुँजव मात्रायव अलावुँ यिमुँ मात्रायि केँह खास काँशिरि आवाजुँ प्रकटावनुँ बापत यथ किताबि मंज लगावनुँ छे आमचुँ, तिम छे यिथुँ पोठय :-

अ : अछ (आंख), मेछ (मखी), लेर (मकान)

आ : आठ (आठ), होल (आदत), वाँस (आयु)

उ : जुँ (दो), सुँह (शेर), बुँ (मैं)

ऊ : सूँत्य (साथ), तूँर (ठंड), कूँत्य (कितने)

ऌ : छैँट्य (जूठे), फेँक्य (कंधे), लेँज (हांडी)

ॠ : नौँट (घड़ा), लौँट (पूँछ), होँल (टेडा)



श्री पार्वतिये भव्यनै जै

शिवुं नावस प्यठ सपजुंख सतिये

श्री पार्वतिये भव्यनै जै

पूजायि पोश लागै लवुं हृत्यये

अकिनगामि आसुवुंज छख शिवा

रक्त बीज मोरिथ छख पानुं तैतिये

श्री पार्वतिये भव्यनै जै

पोश सोम्बरॉविम व्वजुंल्य नील्य छेतिये

पूजा करुंहे इष्ट दीवी

जारुं पारुं वारुं बोज छिय आरुं कतिये

श्री पार्वतिये भव्यनै जै

अमर नाथुं कोलासुं की सूरुं मेतिये

वर्नख तुं कर्नख अर्धशरीर

तैत्य छख आसुवुंज तस सूंत्य सैतिये

श्री पार्वतिये भव्यनै जै

अष्ट स्येज सूंत्य छै ब्रूट्य तै पेतिये

शिव शक्ति रूंपुं छख सर्व व्यापक

कृष्णस टोट छख बोजान येतिये

श्री पार्वतिये भव्यनै जै

* * *

पार्वती मातायि वनवुन

हीमालुं पर्वतुं ने घरि जायख

आयख करने ज़गि रक्षपाल

परम शक्ति परमुं शिव छांडुंनि द्रायख

कर्म सूँत्य सपजुँख शिव शक्ति रूँफ

भगवत् माया बोजुँनुं आयख

आयख करने ज़गि रक्षपाल

परमात्मुं सिरियुं मंजुं जूत्या द्रायख

प्रजलनुं आयख संसारस

येमि मंजुं द्रायख तैथ्य मंज च़ायख

आयख करने ज़गि रक्षपाल

जगत्तुँच दाता छख फल दायख

यस दिख चुँय तस दियुं शिव जी

सुय च़ेय लायक चुँय तस लायक

आयख करने ज़गि रक्षपाल

वरने आवुय वैक्वँठ नायक

वीगिस खसुँनुक छुय छायख

मानुं रेँज पति व्रता सेती द्रायख

आयख करने ज़गि रक्षपाल

कृष्णुं लोलुं तारौ सेतारै वायख

वाणी भवानी च़ेय गछिय स्यद्ध

स्वय करिय नादुं ब्यंद बोजुँनस लायक

आयख करने ज़गि रक्षपाल

* * *

माजि दीवी फर्याद

जगत माता दीवी चुँ छख वॉतिथ हनि हने
अश्वद्ध नैश्वद्ध नैचविस चुँ नै टोठख म्य क्या बने
पशन रिवन खबर छा प्यता कुस छुख कर्यख क्या
स्व पोत्रस मे चॉनिस क्वमाता कुस अखा वने
तने मँक्रेर मेलिथ छुस मेलिन वस्तुर वेलिथ छुस
पथर प्योमुत नंगै छुस तुलुम वुछ कंह म्य मा सने
छ्योँटुय श्रूचुय ख्यवन छुस थ्वकन सूँत्य द्वध चवन छुस
छुसथ नै प्रजनावन यिहम किथुँ पॉठ्य वने
म्य छुय ना बोंड भार्य सारिय गृहस्तुक आधिकार्य
म्य चौरिस प्यठ दया छै बजा किथुँ पॉठ्य बने
स्यदथ आकाशुँ सोजुम सहा मंज आशि रोजुम
तिछै शुर्य भाषि बोजुम म्य युथ येंच लोल गने
क्वछे क्यथ ललनावुम तलुँय पादन म्य सावुम
शोंगिथ छुस वुजुँ नावुम म थावुम अन्द कने
ल्वकुट छुस बेंडरावुम करँजि कथुँ हेंछि नावुम
वेंद्या दिथ शूभुरावुम म्य सरतलि स्वन सपने
तने विष्ठा म्य लॉरिथ स्व दिम लोंब कुन चुँ दारिथ
करुम आँबुँय गोंबुँय वुरुन छुन प्यठ कौँटिल बने
बिहिथ प्यठ सरहदन छुय वनुँच वॉणी लदन छुय
कृष्ण शुर ज़न वदन छुय चुँ ह्यन मंज भाग ख्वने
ब्रह्म जन्मुँच य्वक्ति दिस भक्ति दिस ब्रोंठ कुन यिस
म्वक्ति दिस बेंड शक्ति दिस अशक्तुँय क्याजि छेंने

* * *

रौज़ा दीवी हुँज त्वता

सर्व व्यापक छख रौज़ा भवौनी
परमुँ पदवी छि चोज ज़ाजीये

तुलुँ मुलि नागस लछुँ बैद्य लूखुँय
प्रेमुँ सूँत्य परेँ वुँन्य श्रूखुँय छिय
अनपढ छुस तुँ परेँ तिहिजि मान माँजी
परमुँ पदवी छि चोज ज़ाजीये

त्रिकूटी दीवता छि चोजी भक्ती
करेँ वुँन्य ही महा शक्तिये
पाँचन कारणन छि धारना चोजी
परमुँ पदवी छि चोज ज़ाजीये

च्वशवै खग गयि चैय निशि बूदुँय
त्रैय गैल्य अख छुय मूजदुँय
कलर खगुँच महाराजुँ रौनी
परमुँ पदवी छि चोज ज़ाजीये

लछि बदि रंगौ छुय रूप चोनुय
जै जै कार छुय सोनुये
संसार म्वस्त कोर अम्य नागुँ वाँजी
परमुँ पदवी छि चोज ज़ाजीये

स्मरैज चाजि कोर पापन नाशुँय
सासुँ सिरियुक छुय प्रकाशुँय
तापुँ तीजुँ चानि गेज पापुँ शीनुँ माँजी
परमुँ पदवी छि चोज ज़ाजीये

धूपें दूंपें पूजा करें वुन्य चे सारी
गंधर्व दीव ब्रह्चारिये
साध संत वैरोग्य जूग्य ग्वसोजी
परमुँ पदवी छि चोज जोजीये

थाल छिय क्षीरें खंडुँ कंदुँ भय्य भयिये
जगत ईश्वरिये कर चुँ आहार
अवेद्यायि वासनायि गज दोज दोजी
परमुँ पदवी छि चोज जोजीये

सूक्ष्मुँ थैलु जडुँ चेतनुँ छख भासुँ वुँज
शिव शक्ति रूपुँ छख आसुँ वुँज चुँय
सर्व त्याग करिथ भक्ती चोज मोजी
परमुँ पदवी छि चोज जोजीये

ओम शब्दुँ गायत्री इक परमुँ शक्ति
सिंहासनुँ कर म्वक्ती सोज
बाय बन्ध बब मोज चुँय छख सोजी
परमुँ पदवी छि चोज जोजीये

त्रेशुँवै ग्वन ह्यथ अवस्थायि चोरैय
पानुँ छख चोपोर महामाया
चेय रोस युँ केंछा मानुँ छै ठानी
परमुँ पदवी छि चोज जोजीये

पादन चान्यन मीठ्य दिथ द्राये
लारान आये योर अज छाल
अमर नार्थुँ गंगायुँ हर म्वखुँ पोजी
परमुँ पदवी छि चोज जोजीये

दर्शुन हाव अँस्य छिय आरँ कँतिये
श्री भगवँतिये लीन कर मन
वीद परनि असि अज्ञानुँ म्यँच छाँजी
परमुँ पदवी छि चाँज ज़ाँजीये

संकल्पुँ बुतरात छम खारँ खसुँ ची
दांद वायि हेँसुँ की ववुँ करमुँ ब्योल
अव्यचारँ मूलस लायि धरमुँ खानी
परमुँ पदवी छि चाँज ज़ाँजीये

त्यागुँ यटुँ फिरि क्रूधुँ दतुँ फुटुँ रावुँय
संतोषुँ जनि सूँत्य थावुँय सोम
ध्यानुँ फालस छुँनुँ यूगुँ अलुँ बाँजी
परमुँ पदवी छि चाँज ज़ाँजीये

प्रेमुँ रसुँ सगुँ सूँत्य करमुँ ब्योल वँव्य थुँय
नियमुँ नेँदुँ दिथ ह्यस सारी ह्यथ
वैरागुँ द्राति लोनुँ वसि हरषुँ छाँजी
परमुँ पदवी छि चाँज ज़ाँजीये

अद्वयतुँ ज़ाँज हुँदि कंजुँ मुनुँ वारै
न्यरनै देगि मंज रनुँ बनूँ म्वखत
ब्रह्मुँ शक्ति ध्यान धारँ ख्यमुँ मान माँजी
परमुँ पदवी छि चाँज ज़ाँजीये

मनुँ किन्य जायि जायि चैय छुस छारँवुन
कृष्ण छुस धारनायि धारँवुन ध्यान
वर जया कर दया पालना चुँ म्योँजी
परमुँ पदवी छि चाँज ज़ाँजीये

* * *

माजि दीवि हुँज आराधना

छख महा वेद्या जगत माता

छख महा लक्ष्मी शिव प्रिया

वेष्णु माया छख सर्व स्यदा

सर्व शक्तिमान छख महा रोज्ञा

चानि माया सागरें व्वथपथ

छुय गछान ब्रह्मांड बुद बुद वत

भवुसर छु अमि कुय अख बूदा

सर्व शक्तिमान छख महा रोज्ञा

चानि सैत्य तप जप यूग तै ज्ञान

कारण छि धारन चोनुय ध्यान

त्रिभुवन छु मानान चौज ओज्ञा

सर्व शक्तिमान छख महा रोज्ञा

तुलें मुलि नागस लछि बैद्य लूख

भक्ति भावु सैत्य छिय परें वुँन्य श्रूख

करु वुँन्य तप जप पाठ पूजा

सर्व शक्तिमान छख महा रोज्ञा

यस थवख तस थवन राजु परतीथ

यस ग्यवख तस ग्यवन दीवता गीत

नतुँ कुस करि त्वता नेंद्या

सर्व शक्तिमान छख महा रोज्ञा

योदवै दयि लानि यीच द्वर गथ
शक्ति पातुं चानि चलि स्व छे क्या कथ
अख प्रणाम चोन फिरि करमुं लीखा
सर्व शक्तिमान छख महा रोज्ञा

हयतुं कारुच कर अख कटाक्षा
छेतुं कर नरकुं नार च्यतुं पीडा
द्वरगथ हर नाव छुय दोरगा
सर्व शक्तिमान छख महा रोज्ञा

दिवथा अनतुं छख जगत अम्बा
करतुं नेष्वद्ध बालकस पालना
त्रिजगत मौलिस चौज शूभा
सर्व शक्तिमान छख महा रोज्ञा

मूल छु भूतीश्वर परमात्मा
तस मंगन छि मूक्ष्य सौरी दिवता
प्रथ कुनि मंज छि तसुंजुंय सत्ता
सर्व शक्तिमान छख महा रोज्ञा

सर्व मंगल दितुं छख मंगला
अपराधन जाल छख चुं जाला
कालुं भयुं निशि रछ छख कालिका
सर्व शक्तिमान छख महा रोज्ञा

जानव नुं केह स्वरुन करेज त्वता
अडुं कजि कथुं साजि बोज शारिका
स्येज नजरा कर हर आपदा
सर्व शक्तिमान छख महा रोज्ञा

सर्व शक्ति रूप्पुं छख श्री शिवा
संसारुं रूगस करतुं दवा
दितुं विभूति बूट्य चलि पीड़ा
सर्व शक्तिमान छख महा रोज्ञा

चानि सूर्त्य कति दरि सोन ग्रहचार
स्वखुं सान जान पकि सोन व्यवहार
हटि ब्रामरी, संकटा व्वलका
सर्व शक्तिमान छख महा रोज्ञा

ममता नितुं दितुं दैवुं संपदा
प्रावुं अदुं सर्व आत्मुं भावुं समता
प्रथ अकिस करुं हा च्यतुं रंजना
सर्व शक्तिमान छख महा रोज्ञा

पंच तरणुंय ह्यथ गंगा जल
आयि चान्यन पदमुं पादन तल
मीठ्य दिथ द्रायि स्यंद ह्यथ यकजा
सर्व शक्तिमान छख महा रोज्ञा

चुंय छख चन्द्र भागा वितस्ता
सरस्वती, गोमती, स्यंद तुं जमना
पाप छल न्यरमल कर अवस्था
सर्व शक्तिमान छख महा रोज्ञा

अमर नाथ जलुं सुंय छै मान्यता
प्यत्र लूकस छे मटनुंच चाका
प्रयाग ह्यथ गंगा तुं गया
सर्व शक्तिमान छख महा रोज्ञा

चेय दितुथ वटक नाथ भौहँवस बल
छख जलुँ रूँपुँ न्यरमल नेष्कल
शिव संच चौजी छेँ वटकुँ पूजा
सर्व शक्तिमान छख महा रोज्ञा

सजि वारि मंज वाति सारि नुँय बल
जल गौ अन तै अन गौ जल
मंज जलस अँहवथ ख्यवन दीवता
सर्व शक्तिमान छख महा रोज्ञा

जलुँ सुँय मानुन छु जगतुक म्वख
मंज जलस अँहवथ दिज छि परमुँ स्वख
जलस तै अँगनस छय ईकता
सर्व शक्तिमान छख महा रोज्ञा

स्वँदुँ ब्रारि सुँत्य ह्यथ रोद्र संध्या
कपालुँ मूचन बेयुँ पवनुँ संध्या
गोदावरी जलुँ ची श्रद्धा
सर्व शक्तिमान छख महा रोज्ञा

श्राद्ध प्यंड छि त्रावान जलुँ सुँय मंज
तृप्ती जलुँ सुँय थलुँ सुँय मंज
प्यत्रुँ लूकस छु जलुँ मंजुँ आप्या
सर्व शक्तिमान छख महा रोज्ञा

क्षीहँ सागहँ सुँय मंज छु भगवान
अवतार धारन हारन हान
मंज जलस दीव छिस करान त्वता
सर्व शक्तिमान छख महा रोज्ञा

राम जी कृष्ण जी छि बैङ्ग्य अवतार
जलुँ की कार छिख यैच शूभि दार
जलुँ सुँय मंज छे लंका द्वारिका
सर्व शक्तिमान छख महा रौज्ञा

असि भक्ख्यन हुंद बोज शब्दा
स्यद सोज ह्यथ अनुगृह भैख्या
बानुँ भर कृष्णास कर कृपा
सर्व शक्तिमान छख महा रौज्ञा

* * *

माजि दीवी हुँज आराधना

दीवी चरण चोनी भैखुँत्य स्वरन छिय
यिमोय शरण करोय नमो नमस्ते
संकट हरन कवच चोनी परन छिय
कमल चरण चानी भक्ख्यन वरण छिय
प्रेयम भरन यथ भव सरस तरन छिय
यिमोय शरण करोय नमो नमस्ते
येति पूँर्य त्रावख तथ जायि अँस्य अँछ जरन छिप
मंगल रूँपी ध्यानस चोनिनिस स्वरन छिय
कृष्णास सुँत्य ह्यथ त्वता चोँजी करन छिय
यिमोय शरण करोय नमो नमस्ते

* * *

राज्ञा दीवी हुँज त्वता

राज्ञी शोरी राजन हुँज छख बड सरकार

फिर दयुँ लोनुय सोनुय चोनुय रोट दरबार
सथा छे चाँजी चैय निश अस्य आयि व्वमेदवार

अथा त्युथ दितुँ युथ अस्य करेँ हाव पर व्वपुँ कार
यि क्वसुँ कथा छि चै निशुँ लदख अनुँ धनुँ द्यार

यि क्वसुँ कथा छे चै निशुँ करख परम् पार
यि क्वसुँ कथा छे चै निशुँ दिख पंचालस तार

यि क्वसुँ कथा छे चै निशुँ करख साहिब कार
यि क्वसुँ कथा छे चे निशुँ वालख पापन भार

यि क्वसुँ कथा छे चे निशुँ थावख केंछा मे सार
यि क्वसुँ कथा छे चे निशुँ दिख आत्मुक व्यचार

यि क्वसुँ कथा छे चे निशुँ हावख तीजुँ आकार
पापन सान्यन दैजिथ बनि सूरुक अम्बार

यि क्वसुँ कथा छे वरख असि हिव्य ग्वनाह गार
यि क्वसुँ कथा छे चे निश हावख म्वखती दार

तथ दारस मंज चाँनिथ थावख असि खानुँ दार
यि क्वसुँ कथा छे जाननावख स्वप्नवत संसार

यि क्वसुँ कथा छे नारस सानिस करख गुल्जार
यि क्वसुँ कथा छे लोचुरावख ग्रह चक्रुक भार

यि क्वसुँ कथा छे दया आँसिथ यियि यि नुँ आर
वावस मंज छै नावा साँजी द्युन गछि तार

पतिम नावा छु बोडुय ब्रोंह कुन वाँत्य मित्य छि कार
न्येबुर्य छि फीसा करिथ अँदुर्य किन्य लाचार

नाना रंगै नाना रूपै छुय प्रकार

छख जलुँ रूँपै थलुँ रूँपै चुँ सर्व आकार

मारन राक्षस हारन द्वख धारन अवतार

असि गछि सोरुय आसुन अस्य छिय दुनिया दार

कांह चीज डलुन गछिनुँ चलुन गछि व्यवहार
छेनुज गछि नुँ गृहस्थुँ सेतारस कांह तार

चाजे यछायि सैत्य कर्य लूकव रैत्य रैत्य कार
वुज क्यन किस खगुँ राजस आसिन जै जै कार

स्यदथ दिनुक थोवमुत छुथन सुय म्वखतार
स्यध गछि गछुँज अस्य छिय साधक सीवा कार

श्रवण मनन निधिद्यासन बेयि साक्षात्कार
कृष्णुन भैव्यतन चान्यन भैखत्यन नमस्कार

दिथ आपुँ रोछ थस सूक्षमुँ बोज हुंद जानावार
आलिस मंज ओस पखव रोस प्योमुत नाबकार

व्वज राजुँ हंसन सैत्य वुफुँ नुक द्युतथस आधिकार

* * * *

माजि भगवती हुँज आराधना

श्री राजुँ रोजीश्वरी आमुँत्य शरण छिय

पूजायि लागोय पंपोश गुलाब मादल तुँ हिय

जगत अम्बा चुँय छख मंज वदनस असुँ नाव

नेषब्बद्ध शुर्यन दयायि हुन्द दामन प्यठुँ त्राव

कल्याणुँ सौंस थाव सँत्य अशि फेरण बरन छिय

पूजायि लागोय पंपोश गुलाब मादल तुँ हिय

बाहन सिरियन जुँचन चाजन हुंद प्रकाश

चरण चोनी करान संकटुँ गटे छि नाश

तिहिजे गरदे सँत्य दीव मुकटुँ जरन छिय

पूजायि लागोय पंपोश गुलाब मादल तुँ हिय

लूकालूकन हुँद्य सतजन कारण दीव गण

सिंहासनस चोनिस दिवान छिय प्रदिक्षन

परमुँ दामुक्य प्वरुष्य प्यवान परन छिय

पूजायि लागोय पंपोश गुलाब मादल तुँ हिय

ओंकारुँ रूपै चैकुर नागस छु नोन नेरन

तीजँचि रीखायि च्वपोर त्रिकूनस फेरन

यूगी जौनी प्राणी सुय ध्यान धरण छिय

पूजायि लागोय पंपोश गुलाब मादल तुँ हिय

ब्वद्ध छनुँ वातन कम रंग चान्यन रंगन छिय

कामीश्वरिये मनुँ कामनायन मंगन छिय

येछि चाजि श्रद्धायि सोस्य आयि त्वता परन छिय

पूजायि लागोय पंपोश गुलाब मादल तुँ हिय

पनुँन्यन भखत्यन दासन हुँदुय पेयिनय पास
तिहिदे पासै क्वकरमन हुँज गटै मेँ कास
जोति स्वरूफ हाव छै चैय भूतीश्वरैज दुँय
पूजायि लागोय पंपोश गुलाब मादल तुँ हिय

भगवत मायायि हुँद्य रंग छि चोनी रंगारंग
चाने सूँतिय छिय यूग छिय भूग छिय सत्संग
तफ जफ समाध क्रिया कर्म करन छिय
पूजायि लागोय पंपोश गुलाब मादल तुँ हिय

महामाया चुँय छख चठ असि माया जाल
असि वोँलमुत छुय गृहस्तुँक्य कालुँ सर्पन नाल
लग्यमुँत्य सोरी पनन्यन पनन्यन घरन छिय,
पूजायि लागोय पंपोश गुलाब मादल तुँ हिय

कम भक्ती किन्य भक्तावारन खरन छिय
कथ कामि लगव क्या तगि जिंदै मरन छिय
चुँय टोठ संच चाजि सूँत्य अँस्य द्यन द्यन भरन छिय
पूजायि लागोय पंपोश गुलाब मादल तुँ हिय

प्रसाद कर गाल जनमाजनमन हुँद्य अपराध
सब्ज रंगै जलै मंजुँ हाव पंपोशुँ पाद
यिम तिम स्वरन यथ भवसरस तरन छिय
पूजायि लागोय पंपोश गुलाब मादल तुँ हिय

चाने सूँती स्रेष्टी गयि नैज जै भविनै
मंजुँ शुँजुँ व्वथपथ थ्यथ साँपुँजी जै भविनै
कलर खगुँच महाराज रानी शरण छिय
पूजायि लागोय पंपोश गुलाब मादल तुँ हिय

कुनुय येति ओस वुछन वोला तस कुस ओस

जगत यस जाव मौजा मोला तस कुस ओस
च्यथ शक्ती चानि सँत्य ईक अनीक स्वरन छिय
पूजायि लागोय पंपोश गुलाब मादल तुँ हिय

चेय अजपा गायत्री पाँछ कारण ग्यवन छि गीत
न्यस्तै ग्वन छख ग्वनन चानिय सँत्य परतीत
चाने सँत्य कार अंतः करन करन छिय
पूजायि लागोय पंपोश गुलाब मादल तुँ हिय

अनीक नागन प्यठ छुय न्यरवासन आसन
प्यठ शीशुँ नागस वेष्णुँ रूपै छख भासन
सौरी ग्वन चान्य महा प्वरशन वरन छिय
पूजायि लागोय पंपोश गुलाब मादल तुँ हिय

चेय कित्य नाना रंगव भूजन रनन छिय
चेय निशि स्ववरणुँ बानन लैदिथ अनन छिय
नाना रंगव मिट्ठायव थाल भरन छिय
पूजायि लागोय पंपोश गुलाब मादल तुँ हिय

चाजे दय्यायि सँत्य कैड्य बड्यव बैड्य बैड्य नाव
नेष्वद्ध कृष्णस निशि वांनी हुंद अमृत द्राव
परन वाल्यन जन्मन हुँद्य द्वख हरन छिय
पूजायि लागोय पंपोश गुलाब मादल तुँ हिय

* * *

राजि ब्रारि कुन त्वता

पम्पोशु पादन श्री राजि ब्रारी
पारी पारी लगोय पारी

सिंह आसनुँ चिय छै सवारी
लारान पोछ्य लोव ज़न मंज लारी
अस्य आयि शाल ज़न चैल्य पाप सारी
पारी पारी लगोय पारी

स्यदथ मंगुँनि आयि दीव सारी
ज्ञानी यूगी बेयि ब्रहमचारी
यितुँ यपारी छख च्वपारी
पारी पारी लगोय पारी

शरण आमुँत्य छि अस्य व्यवहारी
लाँकरण थव ज़ल ज़न ज़ारी
अन्न पूर्णायि हुंद कर भण्डारी
पारी पारी लगोय पारी

पानै पाल सौज अय्याल बारी
दयाल बेनिथ कास लाचारी
अथुँ डाल रथि खसि दुनिया दारी
पारी पारी लगोय पारी

वातन वाल्यन मंज छि अस्य चारी
सैध्य पोह्य बनाव बेडय व्यवहारी
लोचुँ राव संकल्पन हुँद्य भारी
पारी पारी लगोय पारी

बनाव असि ज्ञानुक अधिकारी
 यूगुं चे बरुंजे मुचुराव तारी
 मूक्षी लरि करुं नाव खानुं दारी
 पारी पारी लगोय पारी

दिह थव और दोर कास बेमारी
 युथ बनुं प्रथ भूगुक आहारी
 च्यथ थव ह्यस रटुनुक व्यस्तारी
 पारी पारी लगोय पारी

चाने सूंत्य असि द्वख न्यवारी
 चाने सूंत्य पापुं राक्षस मारी
 दीवता भूजन घरुं कुन सारी
 पारी पारी लगोय पारी

चांजी दासी छै महामारी
 करान चांजी छै ताबेदारी
 मरनुं निशु बचुरावुं नाव दिह दारी
 पारी पारी लगोय पारी

लंका पतियन दीव जिन्य सारी
 करुंन चांजी खेदमत गारी
 चण्डी शूभिहिय नुं युथ पूजारी
 पारी पारी लगोय पारी

काश्मीरुं रेश्य डीशिय व्रत धारी
 बनेयख क्षीरुं जलुं आहारी
 सजि वारि रूपुं छख जलुं आकारी
 पारी पारी लगोय पारी

चाजि कृपायि कॅर कृष्णस योरी
करनै चे तस तप जप योरी
मूर्खस बनोवुथ ब्रह्माचोरी
पोरी पोरी लगोय पोरी

* * *

माजि दीवी कुन त्वता

दया कर ही दीवी बेखुँत्य आमुँत्य शरण च्य छिय
इयकस नाहवुख द्वाराक्षर प्यवन पादन परण च्य छिय
थेविथ चे कुन सतुक च्यथ व्वतम व्रत न्यथ धरन च्य छिय
वनन पदमावती छिय कमल कोमल चरण च्य छिय
बेखुँत्य पंचस्तेवी ह्यथ स्वंदर लहरी परन च्य छिय
इयकस नाहवुख द्वाराक्षर प्यवन पादन परण च्य छिय
करन चौजी पूजा सदा प्रेम बरन च्य छिय
अखांडन ब्रह्मांडन महामाया स्वरन च्य छिय
तिमन धन धन भाग्य यिम पादन अछ जरन च्य छिय
इयकस नाहवुख द्वाराक्षर प्यवन पादन परण च्य छिय
सतुँच त्वतुँच निन्धा करन वोली खरन च्य छिय
त्वता नेंद्या हिशी छै असुन कोसम हरन च्य छिय
कृष्ण त्वता करन छुय तस हिव्य कूँत्या करन च्य छिय
इयकस नाहवुख द्वाराक्षर प्यवन पादन परण च्य छिय

* * *

सरस्वती हुँज त्वता

शामुँ वेलै जामुँ छेतिये
सूरुँ मतिये द्युत में होश

सूँत्य छख तस सरसोतिये
सर्व स्पदुँ दिथ व्यनुँ पोश
पोश लागै लवुँ हँतिये
सूरुँ मतिये द्युत में होश

जोति रूँपुँ छख भगवँतिये
स्नेह रेहि मंज दिम में जोश
भावुँ बैत्य सोज कर मुँ पतिये
सूरुँ मतिये द्युत में होश

आयि चैय कुन तापुँ तैत्यये
सायि चानि चोल ज़र तुँ जोश
ग्रायि मारान द्रायि लैतिये
सूरुँ मतिये द्युत में होश

अष्ट स्येज छै ब्रूँथ्य पँत्यये
मनुँ नाविथ में मुँ रोश
अनुगृह कर धनुँ वँतिये
सूरुँ मतिये द्युत में होश

मनुँ वारि फोँत्य कारि पँत्यये
ब्रोँठुँ कनि वुछुँ नाव गोश
सन्म्वख रोज छख चुँ यँत्यये
सूरुँ मतिये द्युत में होश

भक्ति बैडूराव अस्य छि गत्यये
सब्ज जामुँ वल यियुँ बोश
थक्य जौव्युल कँत्य कँत्यये
सूरुँ मैतिये द्युत में होश

अनुँ नाव होशुँ पोशुँ फोतिये
पवलुँ नाव प्रेमुँ पंपोश
पूज करुँ होय प्रेमुँ हँत्यये
सूरुँ मैतिये द्युत में होश

शहरुँ गामुँ कँत्य वथ्य तुँ खँत्यये
पाँछ द्रह सारिनुँय छु बोश
रोज कृष्णस सँत्य सँत्यये
सूरुँ मैतिये द्युत में होश

* * *

माजि दीवी हुँज त्वता

शोडष कला छरव चँड्रु कलावती

कास गटुँ मुहुँच मदची असि हे मधु मेती
पनन्यन भक्तन नौ न्यदान चुँय छरव दिवन

आश्चर्य वत छरव बोज अदंर ज्ञाननुँ यिवन
छै अष्ट स्यदुँच गुल्य गण्ड्य गण्ड्य च्य ब्रूँय पतिय

कास गटुँ मुहुँच मदची असि हे मधु मेती
प्यठ नागस बीठ्य प्रेमुँ बागस आवै बहारुँय

नाना प्रकारुँ क्यन पोशन कैर्य अम्बारुँय
पूजायि कित्य नील्य शोम्य व्वजुँल्य ज़रुँद छैती

कास गटुँ मुहुँच मदची असि हे मधु मेती
छख तीजुँ रूँपै परम आतम न्यर मल नैष्कल

च्यत शक्ती छरव पानुँ छावन हृदयुक कँवल
पंपोशुँ बेरगन छरव चुँ फेरन पदमावती

कास गटुँ मुहुँच मदची असि हे मधु मेती
शरण छि आमुँत्य चान्यन पादन तल ओधीन

पान मेशराव कर असि पननिस ध्यानस मंज लीन

प्रेमुक जल चाव असि बनाव सेंध पोट्य मॅती

कास गटुं मुहुंच मदची असि हे मधु मॅती

यथ वुल्टुं हालस मंज छि चानी सूंत्य अस्य दॅरिथ

अर्य दॅर्य रुजिथ संसारुक व्यवहार करिथ

जन श्वास उश्वास तुलमुल कुन खेती तुं वेथी

कास गटुं मुहुंच मदची असि हे मधु मॅती

अस्य चानि सूंतिय छि ठीकिथ धरमस मंजुंय

प्रजल वुंनी छिय पननिस करमस मंजुंय

धरमुंच करमुंच सोज बेती मुं कर पॅती

कास गटुं मुहुंच मदची असि हे मधु मॅती

धरमुं राजस सा-निस थव बोंड आधिकारुंय

पानै चुंय छरव सरकारन हुंज सरकारुंय

भक्ती छें म्वक्ती सय छै आसन होजिर येतिय

कास गटुं मुहुंच मदची असि हे मधु मॅती

सिंहासनस चोनिस भेविनै नमस्कारुंय

प्यठ शाल यारै कृष्णन रोंठ युथ दरबारुंय

वान्दर राजस मंज रोजुस न्यथ सूंत्य सूंती

कास गटुं मुहुंच मदची असि हे मधु मॅती

* * *

महामायायि हुँदिस ज़ाला रूँपस त्वता

खिव खसुँ पोशुँ पूज करुँ ज़ालाये
महा मायाये छु जै जै कार
महा वेद्याये ज़गत माताये
महा लक्ष्मी शिव प्रियाये
वेष्णु मायाये सर्व स्यद्धाये
महा मायाये छु जै जै कार
समया अख ओस छांडनि द्राये
ज़ाला रूँपस वेंष्ण ब्रहमा
अन्द कुनि लोँबहसनुँ फीरिथ आये
महा मायाये छु जै जै कार
सिरियुँ हिव्य कनुँनुँय छिस कनुँ वाली
व्वज़ली जामै छिस नौली
यँद्राक्षी रूँपुँ चँदुँ कलाये
महा मायाये छु जै जै कार
भक्ति बापथ ज़गत व्वपदोवुन
सारि नुँय होवुन ज़ालुँ म्वखुँ रूँप
त्रिभुवन त्रै कारण तस निशि द्राये
महा मायाये छु जै जै कार
शिव शक्ति रूँपुँ छै चँतुर ब्वज धोरिथ
सोज पालना व्यसतोरिथ ब्रोंठ
प्रारब्द व्वपदोव तसुँजि यछाये
महा मायाये छु जै जै कार

पापन कै कर मौज भगवैतिये
 छख पार्वतिये सती रूप
 दर्शनुं बापथ लारान आये
 महा मायाये छु जै जै कार
 सत्जन प्वरशव प्रसन्न करनावुंख
 तमि सँत्य प्रौवुंख परमै गथ
 आनन्द गण कौर असुंजि सीवाये
 महा मायाये छु जै जै कार
 दया रूपुं दिनुं भक्त्यन म्वक्ति
 परम शक्ति सौज भक्ति बोज
 नमुंने अस्य आयि प्रेमुं तै माये
 महा मायाये छु जै जै कार
 हृदयस मंज छख जोति रूप आसुं वुंज
 अजपा भासुंवुंज यिवान नुं द्रीठ्य
 गटुं कास वेल्य मुंत्य छि लूभुंचि छाये
 महा मायाये छु जै जै कार
 चराचर जगि छै व्यापक आसुं वुंज
 सौन्य खोट्य कर्म कासुं वुंज छै सै
 पाप जाल्य द्वख गाल्य तसुंजि दयाये
 महा मायाये छु जै जै कार
 प्रजापतुंसुंय यैलि खौत क्रूधुंय
 चाभि स्मरैज निशि रूदुय दूर
 वीर भैद्रन मोर यैज्जचि जाये
 महा मायाये छु जै जै कार

द्यन रात चौजी कीर्तन करुँहा
चानि स्वर दिनुँ सूँत्य स्वरुँ हा ध्यान
मूक्षि बंगूँ चाने मनुँ साज वाये
महा मायाये छु जै जै कार

पानुँ छख बाणी ही माज भवानी
ब्रहमुँ ज्ञानी तै वीदुँ सागर
सत् ग्वर छख वथ हाव वेँद्याये
महा मायाये छु जै जै कार

कृष्ण जी वोलमुत छुय ममताये
म्वकलीय चानि व्वपाये सूँत्य
द्यन वाँत्य नैजदीक वन समताये
महा मायाये छु जै जै कार

* * *

माजि दीवी हुँज आराधना

मंगल रूपी दीवी महा मंगल दितम चुँ मे

अनाथस आधीनस परम धामस नितम चुँ मे
द्वधा फ्योरिथ कोरिथ देरिथ व्रत अन ख्यतम चुँ मे

क्षिरा खण्डा थालन भेरिथ ओनमुत ख्यतम चुँ मे
रवेसिथ पुष्पक व्यमानस व्वज पानस सूँत्य नितम चुँ मे

च्यतुँच पीडा मे कृष्णस हेरिथ पन ज़न नितम चुँ मे
बहिर म्वरव छुस गोमुस अन्दर च़ाननि यितम चुँ मे
अनाथस आधीनस परम धामस नितम चुँ मे

* * *

जगत मातायि प्रार्थना

त्वताये चाजि गर्योवमय छम दया च़ाज

चुँ करतै अन्त कालस पालना म्य़ाज
थवुम व्यचारुँ सौंस अज्ञानुँ रौस्तुय


वुम्बैर गुज़रावुँ दिह अभिमानुँ रौस्तुय

* * *

काशुर ज़्यव

वनै दीवी छे काशुर ज़्यवुंय टाट
परख बोज़ख चुँ येलि काँटिस बनिय काँट
परन वाल्यन तुँ बोज़न वालि नुँय प्यट
प्रसन्न गछन छे कासन सर्व संकट
हरन छरव द्वरव करन बरकत घरन छरव
यि माता पोथुर ज़ोनिथ प्रय बरन छरव
यि ज़ानुँच भक्ति भावुँच वेंज म्य लीला
बनौवुँम छोट बंड आसिथ दलीला
कनन गछ्यम गछुँज संतन तुँ साधन
ह्यनम तिम दाद यिमन व्यचारुँ नादन


* * *




संपादक : श्याम लाल राजदान



— started —





शारदा पीठ, कश्मीर (पाकिस्तान अधिकृत)
ऊर्य त्रावन आमुँच त व्येसिरेमुँच